

L'iniziativa Pro Service Public flaiventa il servetsch public

■ (rtr) Il cussegl federal refusa l'iniziativa «Pro Service public». En realitad flaivlentia quella il service public perquai ch'il spazi d'agir da las interpresas pertutgadas vegnia limità, ha declarà la cussegliera federala *Doris Leuthard* avant las medias. L'iniziativa pretenda tranter auter ch'interpresas liadas a la confederaziun sco la Posta,

la Swisscom u la VFF na dastgan betg vulair far gudogn. Vitiers na dastgan las pagas dals collavurants betg esser pli autas che questas da l'administraziun federala. Davos l'iniziativa stattan pliras gasettas da consumers sco «K-Tipp», «Bon à savoir», «Spendere Meglio» u «Saldo». La Svizra haja in service public fidabel che

cuvia ils basegns dals clients, ha ditg Leuthard. El saja plinavant da gronda impurtanza per la coesiun naziunala. Tut quai ristgian ils iniziants da perder, senza numnar propostas concretas per megliar il servetsch. Vitiers limiteschia l'iniziativa la libertad d'interpresa. Il pievel svizzer decida ils 5 da zercladur en chausa.



Tenor Doris Leuthard chaschuna l'iniziativa Pro Service Public dapli donn che gudogn.